



3. Radunanza cumünela dals 31.5.2017 a las 20.00 in sela polivalenta S-chanf

Presidi: Gian Fadri Largiadèr

Actuar: Gian Andri Barblan

Preschaints: Preschaints sun 24 votantas e votants

Büro electorel: Robert Angelini

Tractandas:

1. Protocol
2. Piazza aviatica Samedan, transferimaint in ün'instituziun autonoma da dret public
3. Ospidel d'Engiadin'Ota, transformaziun in üna fundaziun
4. Chesa da fliamaint Engiadin'Ota
5. Trafic public d'Engiadin'Ota, nouva fuorma giuridica
6. Scoula da musica d'Engiadin'Ota, contrat da prestaziun
7. Archiv culturel d'Engiadin'Ota, contrat da prestaziun
8. Attach reservuar Quedras, credit fr. 350'000.00
9. Varia

La glista da tractandas vain approveda sainza objecziuns.

Protocol: Il protocol da la radunanza cumünela dals 29 marz 2017 vain approvu sainza cuntravuschs.

Per las tractandas duos fin set sun preschaints Gian Duri Ratti (president dal circul d'Engiadin'Ota) e lic. Iur. Thomas Nievergelt (Nievergelt & Partner)

11 1.200 Uffizis circuitel e districtuel Transferimaint in ün'instituziun autonoma da dret public

Per cha la piazza aviatica regiunela Samedan po garantir üna colliaziun sgüra, persistente, stabila a lungia vista e confuorm al bsögn da l'Engiadin'Ota al trafic aviatic ed accumplir las pretaisas da la regiun Engiadin'Ota, es gnida reglada la relaziun traunter l'intrapraisa d'infrastructura e la societad da gestiun in üna convegno da prestaziun. Quista es auncha adüna impegnativa ed ho validited giuridica. Causa l'aboliziun dal circul scrouda eir „l'intrapraisa d'infrastructura piazza aviatica regiunela Samedan“ (INFRA) dal circul. Uschè dess gnir transferida l'INFRA in ün'instituziun autonoma da dret public da las vschinaunchas dal circul d'Engiadin'Ota (INFRA vschinaunchas). La radunanza cumünela

decida unanim dad appruver la ledscha davart la promoziun da la piazza aviatica regiunela Samedan scu eir ils statüts da l'intrapraisa d'infrastructura.

**12 4.000 Ospidel
Ospidel d'Engiadin'Ota, transfurmaziun in üna fundaziun**

Cun que chi vain abolieu il circol d'Engiadin'Ota sün la fin dal 2017 stu gnir transferieu sün quel termin l'ospidel d'Engiadin'Ota ad ün oter purteder. La cumischium per l'ospidel e la chesa d'attempos e da chüra propuona scuo nouva fuorma giuridica per l'ospidel üna fundaziun da dret privat. La radunanza cumünela decida zieva cuorta discussiun dad appruver la transfurmaziun da l'ospidel d'Engiadin'Ota in üna fundaziun da dret privat chi porta il nom „Provedimaint da sandet Engiadin'Ota“.

**13 4.400 Fliamaint
Contrat da dret public traunter las vschinaunchas dal circol /
Cunvegna da prestaziun / progettaziun nouva chesa da fliamaint,
credit fr. 88'000.00**

Causa l'aboliziun dal circol d'Engiadin'Ota stu eir la chesa da fliamaint Engiadin'Ota gnir transferida sün la fin da l'an 2017 ad ün oter purteder. La gestiun dess gnir fatta eir in avegnir da l'ospidel d'Engiadin'Ota. Las vschinaunchas da l'Engiadin'Ota dvaintan acziunaris da la Promulins SA chi stu gnir fundeda. Cun que cha las vschinaunchas da Segl, Silvaplauna e San Murezzan haun decis da fabricher savess üna chesa da chüra a San Murezzan, s'oblian ellas da vender lur aczias a las vschinaunchas situedas vers ingiò per l'import da fr. 720'309.80. Impü dess eir gnir regleda la gestiun da la chesa da chüra Promulins a maun d'üna cunvegna da prestaziun traunter las vschinaunchas d'Engiadin'Ota e l'ospidel d'Engiadin'Ota. Our da quel motiv cha la chesa d'asil e da chüra a Promulins nu cuntainta pü es da chatter üna nouva soluziun. Las och vschinaunchas suot s'haun decisas da progettar üna nouva chesa da fliamaint a Promulins, Samedan. In tela dessan gnir s-chaffieus 60 lets da chüra. Cul credit da planisaziun da totelmaing fr. 1'460'000.00 dessan gnir deliberos mezs finanziaels per pudair mner tres üna concorrenza e per elavurer il preproget. La part da la vschinauncha da S-chanf s'amunta a fr. 88'000.00. Zieva cuorta discussiun a regard il numer da lets da chüra decida la radunanza dad appruver il contrat da dret public cu eir la cunvegna da prestaziun. Impü deliberescha ella il credit ill'otezza da fr. 88'000.00 per la progettaziun sainza cuntravuschs.

**14 6.500 Trafic public
Trafic public, nouva fuorma giuridica**

La fin da l'an 2017 vain abolieu il circol d'Engiadin'Ota. Cun que cha'l traffic public es reglo in üna ledscha circuitela, stu eir quist gnir transferieu ad ün oter purteder. La proposta da la conferenza da las vschinaunchas es üna corporaziun da vschinaunchas. Impü ho la conferenza da las vschinaunchas approvo ils statüts da la corporaziun da vschinaunchas per promover il trafic public in Engiadin'Ota. Quists statüts stöglia gnir approvus da las vschinaunchas partecipadas e da la regenza. Sainza cuntravusch sun gnies approvus ils statüts da la corporaziun da vschinaunchas pel trafic public in Engiadin'Ota.

**15 2.140 Scoula da musica
Scoula da musica, contrat da prestaziun**

La ledscha chantunela per la promoziun da cultura prescriba a las vschinaunchas d'avair üna scoula da musica. Fin uossa accumuliva la scoula da musica Engiadin'Ota la spüerta per la vschinauncha da S-chanf. Cul schoglimaint dal circol d'Engiadin'Ota es eir da regler nouv quella spüerta. Our da quist motiv es gnida elavureta üna nouva cunvegna da prestaziun traunter la scoula da musica e las vschinaunchas. La radunanza cumünela accepta la cunvegna unanimamaing.

16 1.200 Uffizis circuitel e districtuel
Archiv culturel d'Engiadin'Ota, contrat da prestaziun

In connex cul schogliment dal circol d'Engiadin'Ota es eir da regler nouv ils drets ed ils dovairs traunter l'archiv culturel e las vschinaunchas. Perque es gnida elavureda üna nouva cunvegna da prestaziun chi'd es gnida accepteda da la radunanza sainza cuntravuschs.

17 7.000 Provedimaint d'ova
Attach reservuar Quedras, credit fr. 350'000.00

Culla sanaziun dal reservuar Quedras il an 2014 sun gnies previs i'l preventiv 2017 fr. 320'000.00 per effectuer las lavuors bsögnaivlas. Tenor las offertas inoltredas muntan quels cuosts però sün fr. 350'000.00. Per cumanzer cul fabricat al principi dal mais gүн ho decis la radunanza da deliberer il credit bsögnaivel ill'otezza da fr. 350'000.00 sainza cuntravuschs.

18 9.999 Varia

Il president infurmescha cha la via Flin, dal zardin forestel fin tar la deponia vain refatta quista sted. Al mumaint però nu vegnan fattas üngünas lavuors da mantegniment sül trajet manzuno. Da l'otra vart nu po gnir fatta la via Varusch, da Mulin fin aint illa punt da Scrigns, causa cha quist affer nun es gnieu piglio sү ill budget.

Impү renda el attent, cha la prosma radunanza ho lö ils 28 da gүн.

Duonna Monika Urech piglia l'ocasiun per infurmer la radunanza sur dals müdamaints a regard sia pratcha a S-chanf.

Il president serra la radunanza a las 22.30 ed ingrazcha a tuot ils preschaints per lur cumparsa.

In buna fè

Il president:

L'actuar:

G. Largiadèr

G. A. Barblan